

AMERIKA SAMOA HUMANITIES COUNCIL

TALOSAGA MO POLOKALAMA FAATUPE ITI TAUSAGA FAALE-TUPE 2014

“O le Tagata o Ananafi ma le Asō, e Fa’atamāoaigā le Tagata o a Taeao.”

O lenei Polokalama o lo o lagolagoina ma fa’atupeina e le Amerika Samoa Humanities Council (ASHC), o le lālā a le Ofisa Tūtotonu (National Endowment for the Humanities – NEH) i Uosigitone, U.S.A.

VAEGA I: FAUTUAGA MA LAASAGA TATAU O LE FAATUMUGA O LE TALOSAGA MO POLOKALAMA FAATUPE TELE

1. Faitau le Ta'iala o Polokalama ina ia malamalama lelei i le faagasologa o polokalama a le ASHC a o le i faatumuina le pepa talosaga.
2. E telē le taimi e alu pe a fuafua ma tusia faamatalaga o talosaga e faatino ai polokalama; o lea, e fautuaina la outou faalapotopotoga ina ia aua ne'i faatali se'ia o'o i le toe taimi ona faato'a tusia lea o la outou talosaga. Ia vave ona amata galuega mo le tusia o le polokalama.
3. Ia manatua le faagasologa o Aso Tāua mo Talosaga o lo o i le "Ta'iala o Polokalama."
4. Ia outou faautagia fautuaga ua tuuina atu e le Komiti Faafaoe o Polokalama a le ASHC e auala mai i le pepa talosaga e ta'ua "O le a Talosaga" o le pepa lea sa outou tuuina mai muamua i le Ofisa.
5. Ia auai le Sikola ma le Faatonu o le Polokalama ma tagata uma o le faalapotopotoga i le tusia o le talosaga mai i le amataga se'ia o'o atu i lona faai'uga.
6. Ia atoatoa le fa'atumuga o le pepa tomua o le talosaga, ma ia mautinoa ua sainia suafa o i latou uma e tatau ai.
7. E fautua atu ina ia faafesoota'i le afaigaluega a le ASHC pe a fai e mana'omia se fesoasoani i le tusia o la outou talosaga.
8. E tatau ona amata le polokalama i se taimi vave pe a maua atu le tupe mo le faatinoina o le polokalama.
9. O le faamatalaga atoa o le polokalama ia aua ne'i sili atu i le lima (5) itulau, ma ia tusi lolomi lelei (e fautuaina le Laau Lomi Tusi po o le Computer - typewriter po o le komepiuta).

A O LE I TAU'AAOINA MAI PEPA TALOSAGA I LE OFISA, IA MAUTINOA UA MAE'A MA ATOATOA UMA MEA NEI:

1. Ua i ai a outou tali i fesili e 9 e faamatala mai ai le polokalama o le a faatino.
2. Ua i ai tala o le agavaa ma tulaga o a'oa'oga (Resume) o le Sikola Autū ma le Faatonu o le Polokalama.
3. Ua sainia suafa o e ua tatau ona sainia i luga o le pepa talosaga.
4. Ua i ai le faamatalaga o le Sikola.
5. Ua i ai le Tala Faasoaso o le Tupe ma ona faamatalaga au'ili'ili.
6. Ua i ai ni faamatalaga pupuu o agava'a o Sikola Lagolago.
7. Ua i ai kopi e sefulu tasi (11) o le Talosaga ma le ulua'i kopi.

VAEGA II: FAAMATALAGA O LE POLOKALAMA

Faamolemole ia faaaogā nisi pepa e tusia ai faamatalaga pupuu e tali mai ai fesili e 9 ma ia faa-numera mai e pei ona faasolo ai i lalo:

- 1. Faalapotopotoga/Vaega o lo o talosaga**
Faamatala mai le agavaa o le faalapotopotoga o lo o faatinoina leni polokalama, atoa ai ma tulagā tofi ma totino o le faalapotopotoga.
- 2. Faamoemoe ma le Sini Autū o le Polokalama**
Faamatala manino le autū o le faamoemoe e taunuu i ai ma ausia pe a mae'a le polokalama, aemaise ai o fuafuaga ma laasaga e taunuu ai i le autū.
- 3. Tualumaga o le Polokalama**
Faamatala lelei galuega o le a faatino e le polokalama. Faamatala manino mai pe faapefea ona tuu/faasoa atu ia galuega i le aufaalogologo (Vaai i faata'ita'iga: Talanoaga aloa'ia e ta'ita'i ai le Sikola; Faatinoga e aafia ai ma le faamatalaga o ia faatinoga. Faaliga Ata e aafia ai ma faamatalaga o le tāua o ia ata i le autu o le polokalama, faafefinaua'iga aloa'ia lelei, ma ni isi manatu lelei o la outou faalapotopotoga).
- 4. Mata'upu Ese'ese i le Faatauaina o le Tagata**
Faamatala mai po o le a le mata'upu i le soifuaga o tagata ua fai ma autū o la outou polokalama. Faata'ita'iga: Po o le Aganuu, Gagana, Soifua Lautele i le Va Tuunonofo ai o Tagata Soifua, Talafaasolopito o se atunuu, ma nisi lava mata'upu e tele o lo o i ai. E mana'omia tele le atamai faapitoa o le Sikola Autu na te talia leni fesili ma ia faaoga le Ta'iala mo Polokalama e filifili ai mata'upu e fitoi tonu i le polokalama. O le fesili tāua i le tali mai i leni vaega, "Aisea e tāua ai ona silafia e le aufaalogologo leni mata'upu?"
- 5. Sikola Autu ma Sikola Lagolago**
O Tuua (Tulafale) po o Faasuaga o afio'aga e tatau ona filifilia e fai ma Sikola Autu o polokalama uma e aafia ai Agaifanua ma Aganuu a Samoa. O isi mata'upu e lē aafia ai le aganuu e mafai ona faaoga i ai faia'oga ma i latou foi ua lava lo latou tomai i ia mata'upu. O le Sikola Autu mo le polokalama e tatau ona sa'ilia mai i fafo atu o le faalapotopotoga. A fai e i ai se tasi o le faalapotopotoga e agavaa i le Sikola e tatau ona aveia ia ma Sikola Lagolago. Tusi mai se faamatalaga puupuu e faamatala mai ai tomai faapitoa o Sikola Lagolago o le a filifilia e galulue i le polokalama.
- 6. Aumaimoa/Faalogologo ma atoa ai ma Faasalalauga o le Polokalama**
Faamatala mai itu'aiga tagata ua fuafua e aogā i ai leni polokalama, ma po o a auala ua fuafua e faatosina mai ai nei tagata e fai ma molimau o le polokalama (e pei o faasalalauga i le T.V., nusipepa, leitio, ma isi lava tulaga e faailoa ai le polokalama). O le a se aofa'i o le aufaalogologo o lo o fuafuaina e auai i le faatinoga o le polokalama?

7. O le Molimau i Tulaga o le Polokalama

Faamatala auala o le a au'ili'ili ai le tulaga lelei po o le faaletonu o le polokalama? O le a filifilia foi e le ASHC se tasi e faia se molimau ma au'ili'ilia le tulaga o le polokalama. O lea tagata e tatau ona totogi i se tupe e le sili atu i le \$150.00 e aumai i totonu o le tupe e tuuina atu e le ASHC mo le faatinoga. O le Faatonu ma le Sikola Autu e tusia le ripoti o le polokalama pe a mae'a.

8. Paketi (Tala o le Tupe)

Ia faatumu itulau mo le Paketi. Ia manatua le siea (share) e sa'ili mai i fafo atu o le faalapotopotoga (Third Party) ma le siea o le faalapotopotoga (In-Kind) lava ia auā le tau atoa o le polokalama Faatupe Tele (Major). E 10% o le tupe o lo o talosaga mai i le ASHC e tatau ona sa'ili mai fafo atu o le faalapotopotoga, e mana'omia le fa'amaoniga o ia tupe e le ASHC, a o le isi 90% o le siea (In-Kind) lea a le fa'alapotopotoga lava ia e tatau ona tu'u i totonu o le tau o le polokalama atoa.

9. Faamatalaga Au'ili'ili o le Tupe Faasoasoa

E lē gata i lea, e tatau foi ona i ai se faamatalaga au'ili'ili o le tala faasoasoa o le tau atoa o le polokalama. O lea tala au'ili'ili e tatau ona faamalamalama mai ai itula, totogi i le itula o tagata faigaluega, ma mea o le a fa'aaogā i le fa'atinoga o le polokalama.